



---

Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 41. sjednice Općinskog vijeća Ilijaš  
održane dana 22.04.2020.godine**

Ilijaš: Maj 2020.godine

## MIRZA BEKTIĆ – vijećnik SDA

Inicijativa 1: "Pokrećem inicijativu prema nadležnoj općinskoj službi da se izvrši asfaltiranje puta Avdibegovići-Nevaljalovići u naselju Kadarići.

Obrazloženje: Asfaltiranjem dionice ovog puta riješili bi trajno problem koji se konstantno javlja prilikom svake jače kiše, a posebno u zimskim uvjetima.

Odgovor: Operativnim planom Općinskog načelnika i službi općine Ilijaš za 2020. godinu nije planirano asfaltiranje puta Avdibegovići-Nevaljalovići u naselju Kadarići.

Obzirom na situaciju prouzrokovanu pandemijom koronavirusom Covid-19 kao i na pad budžetskih prihoda Općina Ilijaš u 2020. godinu neće biti u mogućnosti prihvatiti ovu Inicijativu.

Inicijativa 2: "Pokrećem inicijativu da izvođač radova Vizija d.o.o. Visoko, na reciklažnom dvorištu u Ilijašu pored JKP "Vodostan" d.o.o. Ilijaš izvrši sanaciju, nasipanje i asfaltiranje lokalnog puta Ilijaš-Kadarići koji je oštećen prilikom izvođenja radova. Izvođač radova Vizija d.o.o. Visoko, prilikom priključenja vode u reciklažno dvorište presjekao je lokalni put Ilijaš-Kadarići, te molimo da se isti vrati u prvobitno stanje. Radovi su izvršeni u 2019. godini i skoro pet mjeseci čekamo na sanaciju puta.

Odgovor: U toku su aktivnosti na nastavku izvođenja radova na reciklažnom dvorištu u Ilijašu. Projektom je predviđeno asfaltiranje manipulativnih površina i u okviru tih radova bit će izvršeno asfaltiranje i ovog prekopa na lokalnom putu.

## ŠEHERZADA ĆOSIĆ – vijećnica SDA

Pitanje 1: "U kojoj je fazi rješavanje nelegalno uspostavljenih azila pasa na prostoru MZ Mrakovo? Obrazloženje: Više puta smo obavještavali i upozoravali nadležne JLS Ilijaš oko uspostave nelegalnih azila pasa na privatnim parcelama na prostoru MZ Mrakovo. Za sada su uspostavljena dva, gdje aktivnosti istih uznemiruju građane u neposrednoj blizini istih (akti u prilogu). Molimo nadležne da pripreme prijedlog rješenja iz navedene oblasti i poduzmu zakonom propisane mjere.

Odgovor: Pitanje je dostavljeno Kantonalnoj upravi za inspekcijske poslove Kantona Sarajevo, do slanja materijala nije pristigao odgovor.

Pitanje 2: "Kada će nadležni u JLS Ilijaš pristupiti sistemskom rješavanju uklanjanja/zbrinjavanja pasa lualica na prostoru MZ Mrakovo? (akti u prilogu). Obrazloženje: Više puta smo isticali problem pasa lualica na prostoru MZ Mrakovo. Čini nam se da nismo bili ozbiljno shvaćeni, ali isti problem se nagomilava i isti čine veliku štetu građanima ove mjesne zajednice. Ne trebaju nam konstatacije nadležnih u JLS Ilijaš, već nam treba ponuditi rješenje problema.

Odgovor: Općina Ilijaš već par godina u saradnji sa KJKP "Rad" d.o.o. Sarajevo pokušava iznaći rješenje za ovaj problem.

Kafilerija KJKP "Rad" d.o.o. Sarajevo neposredno prima telefonske prijave građana o napuštenim i izgubljenim psima i po njima postupa. Broj telefona na koje građani mogu vršiti prijave za zbrinjavanje pasa lualica je 033/450-269.

Pitanje 3: "Kada će se na prostoru MZ Mrakovo izvršiti distribuiranje tj. postavljanje PHD posuda za otpad? Obrazloženje: Prošlogodišnjim i ovogodišnjim Operativnim planom planirano je da se na prostoru MZ Mrakovo distribuiraju, tj. postave posude za otpad, čime bi olakšali procedure i zahtjeve naših građana. Obzirom da nije ništa po navedenom pitanju učinjeno, molimo Vas da se ispoštuju dogovorene procedure.

Odgovor: Izvršena je nabavka PHD posuda za otpad, posude se nalaze na lokaciji KJKP "Rad" - RJ Ilijaš. Planiranu aktivnost distribucije građanima je spriječila pandemija

koronavirusa COVID-19. Aktivnosti će biti realizovane kada epidemiološka situacija to bude dozvoljavala.

Pitanje 4.: "U kojoj je fazi implementacija polaganja optičkog kabla i puštanja signala od Kompanije BH Telecom d.o.o. Sarajevo za prostor MZ Mrakovo? Obrazloženje: Uz bombastične najave predstavnika BH Telecom operatera do današnjeg dana građani ne konzumiraju usluge ove tehnologije, a koji je prijeko potreban pogotovo sada u Pandemiji COVID-19. Molimo općinskog načelnika da svojom procedurom pokuša motivisati predstavnike navedene kompanije i što prije završe navedenu aktivnost.

Odgovor:

Inicijativa je dostavljena "BH Telekomu" i do slanja materijala nije pristigao odgovor.

Služba za saobraćaj,  
stambeno-komunalne poslove i građenje